



Inatsisartuni ilaasortaq
Isak Hammond
IA

Ilulissat kangiani eqqissimatitaaq aqqusaarlugu aalisakkanik assartuineq pillugu § 37 naapertorlugu apeqqtinnut akissut

Naalakkersuisumut imaattumik apeqquteqarputit:

"Tunisassiorfiit qinnuteqarnerisigut aammalu immikkut akuersissuteqarfiginerisigut Ilulissat kangiani eqqissimatitaaq ukiakkut ukiukkullu aqqusaarlugu qamuteralaat atorlugit aalisakkanik assartuisitsisoqarsinnaava?"

Akissut:

Ilulissat Kangiata eqqissimatinneqarnissaa pillugu nalunaarut naapertorlugu eqqissimatitap iluani qamuteralannik ingerlaartoqarnissaa inerteqqutaavoq, soorluttaaq aamma Sermermiunut nunamut ikaassineq inerteqqutaasoq.

Taamaattumik Nunamut Namminermut, Pinngortitamut Avatangiisinullu Naalakkersuisoqarfiup (NNPAN) 2012-imi marsip ulluisa arfineq aappaanni qamuteralaat atorlugit Ilulissat Kangerluata paavani angallatiniit sikkusaaqqasunit aalisakkanik tunisassanik eqqissimatitaaq aqqusaarlugu illoqarfimmut angallassisoqarnissaanik, aamma orussamik pilersuutissanillu angallatinukaassisoqarnissaanut ullormut ataatsimut atuuttumik immikkut akuersissuteqarnera immikkorluinnaq ittumik iliuuseqarneruvoq. Immikkut akuersissut tunniunneqarpoq Qaasuitsup Kommuniata aalisartut sinnerlugit qinnuteqarnera tunngavigalugu.

NNPAN 2012-imi maarsip 28-anni eqqissimatitaaq aqqusaarlugu qamuteralaat atorlugit aalisakkanik illoqarfimmut assartuinissamut immikkut akuerineqarnissamut Ilulissani Aalisartut Piniartullu Peqatigiiffianiit qinnuteqaammik tigusaaqqippoq. Qaasuitsup Kommunianit innersuussuteqartoqarnerata kingorna apriliip qulinganni 2012-imi NNPAN angallatiniit sikkusaaqqasuniit aalisakkanik tuniartorneqartussanik eqqissimatitaaq aqqusaarlugu qimussimik assartuisoqarnissaanut immikkut akuersissuteqarpoq. Immikkut akuersissut tunniunneqarpoq qimussunik assartuinissaaq aatsaat aqutigineqarsinnaasutut ilitsersuussutigineqartoq aqutigalugu pissasoq piumasaaqatitalerlugu.

Suliamut tassungarpiaq tunngatillugu immikkut akuersissut tunniunneqarpoq qamuteralaat atorlugit aalisakkanik assartuinerni eqqissimatitaaq aqutigineqarsinnaatitaassanersoq Naalakkersuisuniit aalajangiisoqarnissaata tungaanut.

Ilulissani Aalisartut Piniartullu Peqatigiiffiata eqqissimatitaaq aqqusaarlugu qamuteralaat atorlugit aalisakkanik assartuisinnaanissamut qinnuteqaataat Naalakkersuisut apriliip 23-ani 2012-imi suliaaraat. Naalakkersuisut taamanikkut aalajangerput eqqissimatitaaq aqqusaarlugu ingerlaartoqarsinnaanissaanut immikkut akuersisoqassanngitsoq. Tama-

11. jun 2012
Sagsnr. 2012-067148
Dok. Nr. 924911

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@nanoq.gl
www.nanoq.gl

tumunnga taarsiullugu aqqutigineqarsinnaasutut Kommunimiit ilitsersuussutigineqarsimasut aqqutigalugit qimussit atorlugit 2012-imi maajip 31-at ilangullugu aalisakkanik tunisassanik assartuisoqartarsinnaasoq immikkut akuersissuteqarluni.

Inussiarnersumik inuulluaqqusillunga

Anthon Frederiksen